

ინფორმაცია 09/12 2024 წელი.

**ხარაგაულის მუნიციპალიტეტის 2025 წლის ბიუჯეტის პროექტის შესახებ დოკუმენტის გადამუშავებულ ვარიანტზე
ხარაგაულის მუნიციპალიტეტის საკრებულოს საფინანსო-საბიუჯეტო კომისიის (საკრებულოს წევრების და ფარქციების) რეკომენდაციების
გათვალისწინების შესამდგომლობის შესახებ**

ხარაგაულის მუნიციპალიტეტის საკრებულოს საფინანსო-საბიუჯეტო კომისია		
	კომისიის შეფასებით 2025 წლის ბიუჯეტის პროექტში მაქსიმალურადაა გათვალისწინებული მოსალოდნელი შემოსულობების ოდენობა, ასევე დადებითად ფასდება მომავალი წლის პრიორიტეტები. ამასთან, კომისიას მიაჩნია, რომ ზოგიერთ საბიუჯეტო პროგრამაზე საჭიროა დაფინანსების გაზრდა, კერძოდ:	მუნიციპალიტეტის მერიას მიზანშეწონილად მიაჩნია მოსახლეობის ინტერესების გათვალისწინებით საკრებულოს მიერ წარმოდგენილი შენიშვნებისა და რეკომენდაციების მაქსიმალურად გათვალისწინება 2025 წლისათვის მოსალოდნელი ფინანსური რესურსების გათვალისწინებით.
1	მარტოხელა უსახლკაროთათვის, სენდვიჩ კონტეინერების შესაძენად ბიუჯეტის პროექტში გათვალისწინებული იქნეს თანხა 30 000 ლარის ოდენობით. (სველი წერტილებით, მინიმუმ 3 ცალი)	აღნიშნულ შენიშვნასთან დაკავშირებით გაცნობებთ რომ უსახლკარო და ძალადობის მსხვერპლთა საცხოვრებელი ბინით უზრუნველყოფისათვის 2025 წლის ბიუჯეტის პროექტით სოციალური დაცვის პროგრამაში „06 03 17 -პროგრამულ კოდზე“ გათვალისწინებულია დაფინანსება 150,0 ათასი ლარის გაზრდა 30,0 ათასი ლარით. სულ ამ პროგრამით დაფინანსება განისაზღვრება 180,0 ათასი ლარით.
2	ბიუჯეტის პროექტით გათვალისწინებული სოფლის მხარდამჭერი პროგრამის თანადაფინანსების თანხა 163 000 ლარი გაიზარდოს 40 000 ლარით.	2025 წლის სოფლის მხარდამჭერი პროგრამის თანადაფინანსება 163,0 ათასი ლარი გაიზარდება 37,0 ათასი ლარით და გახდება 200,4 ათასი ლარი;
3	ბიუჯეტის პროექტში გათვალისწინებული ერთჯერადი ფინანსური დახმარება 850 000 ლარი გაიზარდოს 100 000 ლარით.	ერთჯერადი ფინანსური დახმარების პროგრამა იზრდება 150,0 ათასი ლარით და განისაზღვრება 1000,0 ათ. ლარით;
4	ბიუჯეტის პროექტში მარტოხელა მშობლების დახმარება 19 000 ლარი გაიზარდოს 5 000 ლარით.	მარტოხელა მშობლების დახმარება 19,0 ათასი ლარი იზრდება 5,0 ათასი ლარით და განისაზღვრება 24,0 ათასი ლარით;
5	ბიუჯეტის პროექტში მრვალობინიანი სახლების რეაბილიტაციისათვის თანადაფინანსება გათვალისწინებული 60 000 ლარი გაიზარდოს 40 000 ლარით.	მრვალობინიანი სახლების რეაბილიტაციისათვის თანადაფინანსება იზრდება 40,0 ათასი ლარით და განისაზღვრება 100,0 ათასი ლარით.
ხარაგაულის მუნიციპალიტეტის საკრებულოს ჯანდაცვისა და სოციალურ საკითხთა კომისია		
1	პირველად საქართველოს მასშტაბით შეგვიძლია განვახორციელოთ საზოგადოებრივი ჯანდაცვის მუნიციპალური ცენტრის ორგანიზებით უნიკალური პროექტი ჩვენი მოსახლეობისათვის, რაც მოიცავს ექვსი დაავადების ერთდროულ კვლევას, რომელთაგან ოთხი მიეკუთვნება ვირუსულ გადაამდებ დაავადებებს: (აივ ინფექცია, ც და ბ ჰეპატიტიები და ტუბერკულოზი) ორი კი მიეკუთვნება ჩვენი საზოგადოებისთვის ერთ-ერთ განსაკუთრებულ მაღალ რისკის მქონე დაავადებებს: (დიაბეტი, ჰიპერტენზია და შარდმკაყვის განსაზღვრა სისხლში, როგორც ერთ-ერთი რისკ ფაქტორის	ჯანდაცვისა და სოციალურ საკითხთა კომისიის მიერ წარმოდგენილ რეკომენდაციებთან დაკავშირებით გადაწყვეტილება მიიღება დაავადებათა კონტროლისა და საზოგადოებრივი ჯანმრთელობის ეროვნული ცენტრის მიერ ხარაგაულის მუნიციპალიტეტისათვის 2025 წლის კუთვნილი მიზნობრივი ტრანსფერის გამოყოფის შემდეგ. საკითხი ჯერჯერობით არ არის გადაწყვეტილი, რადგან აღნიშნული მიეკუთვნება დელეგირებულ უფლებამოსილებას. მიმდინარეობს კონსულტაციები.

	<p>შესწავლა). აღნიშნული პროექტის განსახორციელებლად ტესტ სისტემები გადამდები ვირუსული ინფექციების საწინააღმდეგო ტესტირებისათვის გადაეცემათ დაავადებათა კონტროლისა და საზოგადოებრივი ჯანმრთელობის ეროვნული ცენტრისაგან, მუნიციპალური დაფინანსებით დასჭირდებათ თანადაფინანსება გლუკომეტრის და შარდმჟავის განმსაზღვრელი ტესტის ხარჯების, რისთვისაც საჭიროა ბიუჯეტის პროექტში გათვალისწინებული იქნეს მაქსიმუმ 1000 ლარი.</p>	
2	<p>ჯანდაცვის მსოფლიო ორგანიზაციის კვლევებზე დაყრდნობით, ბოლო პერიოდში ოთხჯერ არის გაზრდილი დიაბეტის შემთხვევები ბავშვებში. ასევე მნიშვნელოვნად მომატებულია მხედველობის დარღვევები ბავშვებსა და მოზარდებში. აღნიშნულიდან გამომდინარე ვთვლით, რომ მნიშვნელოვანი იქნება სკრინინგ კვლევების ჩატარება, ენდოკრინული დარღვევებისა და მხედველობის პათოლოგიების გამოვლენის მიზნით. პროექტის განსახორციელებლად საჭიროა ბიუჯეტის პროექტში გათვალისწინებული იქნეს 3000 ლარი, რომელიც მოხმარდება, TSH, FT4, FT3, ლაბორატორიულ კვლევებს და ენდოკრინოლოგის და ოფთალმოლოგის მოწვევას. საზოგადოებრივი ჯანდაცვის მუნიციპალური ცენტრის მიერ მოხდება შესყიდვა აღნიშნული მომსახურების.</p>	
საკრებულოს ეკონომიკის, ქონების მართვისა და ინფრასტრუქტურის საკითხთა კომისია		
1	<p>ბიუჯეტის პროექტში წყლის სისტემის რეაბილიტაციისთვის გათვალისწინებულ 200 000 ლარი გაიზარდოს 30 000 ლარით.</p>	<p>წყლის სისტემის რეაბილიტაციისთვის გათვალისწინებულ 200,0 ათასი ლარი იზრდება 30,0 ათასი ლარით და განისაზღვრება 230,0 ათასი ლარი.</p>
2	<p>ბიუჯეტის პროექტში გარე განათებისათვის გათვალისწინებულ 352 000 ლარი გაიზარდოს 30 000 ლარით.</p>	<p>გარე განათების ხარჯები გაიზრდება 50,0 ათასი ლარით და გახდება 402,0 ათასი ლარი;</p>
3	<p>ბიუჯეტის პროექტში ნაგვის კონტეინერების შესაძენად გათვალისწინებულ თანხა გაიზარდოს 50 000 ლარით.</p>	<p>საკრებულოსათვის წარმოდგენილ ბიუჯეტის პროექტში ნაგვის კონტეინერების შესაძენად უკვე არის გათვალისწინებული 50,0 ათასი ლარი, რომელსაც კიდევ დაემატება 50,0 ათასი ლარი და კონტეინერების შესაძენი თანხა 2025 წლის ბიუჯეტით განისაზღვრება 100,0 ათასი ლარით, სულ „დასუფთავება ნარჩენების გატანა“ ქვეპროგრამა განისაზღვრება 1941,4 ათასი ლარით,</p>
4	<p>ბიუჯეტის პროექტში რელიგიის დაფინანსებისათვის გათვალისწინებული 60 000 ლარი გაიზარდოს 20 000 ლარით.</p>	<p>რელიგიის დაფინანსების გაზრდა მოხდება 20,0 ათასი ლარით და განისაზღვრება 80,0 ათასი ლარით</p>

საკრებულოს განათლების კულტურისა და ახალგაზრდულ საქმეთა კომისია

1	<p>ხარაგაულის მუნიციპალიტეტის 2025 წლის ბიუჯეტში ახალგაზრდობის მხარდაჭერისათვის გათვალისწინებულია 20 000 ლარი. წარმატებულ პირველკურსელთა წახალისებისათვის გაიზარდოს თანხა 10 000 ლარით. აღნიშნული მოტივაციას გააჩენს და ხელს შეუწყობს ახალგაზრდების ჩართულობას.</p>	<p>ახალგაზრდობის მხარდაჭერი პროგრამა გაიზრდება 10,0 ათასი ლარით, და გახდება 30,0 ათასი ლარი. (წარმოსადგენია პროექტი გრანტის მფლობელი სტუდენტების დაჯილდოების ახალ წესზე)</p>
---	---	--

საკრებულოს წევრი- ეკატერინე შველიძე

1	<p>ხარაგაულის თეატრის საიუბილეო თარიღთან დაკავშირებით მიზანშეწონილად მიმაჩნია დაიბეჭდოს ბუკლეტები, სადაც წარმოჩნდება თეატრის მრავალწლოვანი ისტორია. აღნიშნულისათვის ბიუჯეტში გათვალისწინებული იქნეს 5 000 ლარი.</p>	<p>ხარაგაულის თეატრის საიუბილეო თარიღთან დაკავშირებით ბუკლეტების დასაბეჭდად საჭირო ხარჯები გათვალისწინებული იქნება ა(ა)იპ კულტურის, ხელოვნების და ტურიზმის განვითარების ცენტრის 2025 წლის ბიუჯეტში.</p>
---	---	---

საკრებულოს წევრი - ინგა მალრაძე (პარტია ლელო საქართველოსთვის წევრი)

3	<p>პირველ რიგში წარმოდგენილი ბიუჯეტი მიუხედავად გაზრდილი ციფრებისა და პარამეტრებისა ვერ იძლევა დადებითი მოლოდინების შესაძლებლობას. ვინაიდან საბიუჯეტო პროგრამებით გათვალისწინებული ხარჯები ვერ ახდენს დადებით გავლენას ადგილობრივ ეკონომიკაზე და მიმართულია სოციალური ბიუჯეტის ზრდაზე. ამასთან ჩემი სუბიექტური მოსაზრებით თავად საბიუჯეტო დაგეგმვის, შემუშავების და განხილვის პროცესში ძალიან დაბალია მოქალაქეთა ჩართულობა რაც რიგი გარემოებების შედეგია. მაგ: ბიუჯეტის საჯარო განხილვას ქონდა ფორმალური სახე. საკრებულოს წევრების და მუნიციპალური აიპების ხელმძღვანელების საჯარო განხილვებში ჩართულობის გარეშე, თუ არ ჩავთვლით რამოდენიმე აიპის ბუღალტრის და თანამშრომლის საჯარო განხილვაზე დასწრებას. ეს ფაქტორები კი თავშივე აჩენს ადგილობრივი თვითმმართველობის საქმიანობის მიმართ არასაიმედო მოლოდინებს. რაც შეეხება ფინანსების მუხლებს შორის გადანაწილებას, ვფიქრობ წყალმომარაგების პრობლემის აღმოსაფხვრელად რომელიც სამწუხაროდ მუნიციპალიტეტის სოფლებში ჯერ კიდევ მწვავედ დგას უფრო მეტი ფინანსების მობილიზებაა საჭირო და ამასთან ერთად პრობლემის ეფექტურად გადაჭრის ხედვაც. ამ საკითხის მოწესრიგება თანამედროვე პირობებში შესაძლებელიცაა და მოსახლეობის სოციალურ-ეკონომიკურ სარგებლიანობაზე პირდაპირ აისახება. სამოქალაქო ბიუჯეტირების პროგრამამ აჩვენა რომ სოფლის მოსახლეობას ეს პრობლემა მეტად აწუხებს .ამასთან ერთად სოფლებში გაჩნდა ინიციატივები ახალგაზრდული და საბავშვო სივრცეების კეთილმოწყობაზე. კარგი ქნებოდა ადგილობრივ ბიუჯეტში გაგვეთვალისწინებინა მინიმუმ იმ პროექტების განხორციელება რაც მიმდინარე წლის სამოქალაქო ბიუჯეტირების პროგრამაში ვერ მოხვდა. ამასთან გამარჯვებული იდეების შერჩევის ფორმა მაინც და მაინც სამართლიანად არ მიიჩნევა. მოქალაქეთა ჩართულობის, ხელმისაწვდომი გარემოს შექმნის და ადგილობრივი თვითმმართველობის საქმიანობის ეფექტიანად წარმართვას ხელს შეუწყობდა ადმინისტრაციული შენობის სათანადოდ ადაპტირება და</p>	<p>აღსანიშნავია, რომ მუნიციპალიტეტში უკვე მესამე წელია რაც მონაწილეობითი ბიუჯეტის პროგრამა ხორციელდება, რომელიც ნამდვილად მიიჩნევა ჩვენი მუნიციპალიტეტის ერთ-ერთ წარმატებულ პროექტად. პროექტი სრულიად გამჭვირვალე და ხელმისაწვდომია ხარაგაულში მცხოვრები მოქალაქეთათვის და ჩართულობაც შესაბამისად ყოველთვის მაღალია, პროექტების პირველადი გადარჩევის დროს ყურადღება ექცევა მხოლოდ პროექტისათვის საჭირო რეკვიზიტების სისწორეს (პროექტის განსახორციელებელი ადგილისათვის საჭირო მიწის ნაკვეთის ადგილმდებარეობას (საკუთრების ფორმას); პროექტის ღირებულებას) ამის შემდეგ სპეციალური პროგრამით, რომელსაც ახორციელებს არასამთავრობო ორგანიზაცია „GIZ“-ი ქვეყნდება მუნიციპალიტეტის ვებგვერდზე. ხდება ხმების მიცემა და ავტომატურად გამარჯვებულად ითვლება ყველა ის პროექტი, რომელიც ყველაზე მეტ ხმას მოაგროვებს. მიგვაჩნია, რომ გამარჯვებულების გამოვლენის აღნიშნული წესი სამართლიანია. ამასთანავე, მოქალაქეთა ჩართულობის ბიუჯეტი არის მზარდი და 150,0 ათასი ლარიდან უკვე 210,0 ათასი ლარით განისაზღვრება.</p> <p>რაც შეეხება წყალმომარაგების საკითხს, დაბაში როგორც ცნობილია უკვე განხორციელებულია და უზრუნველყოფილია 24 საათიანი წყალმომარაგება. ასევე ,მომავალ 2025 წელს კვლავ იზრდება სასმელი წყლის სისტემების მოსაწყობი ხარჯების ოდენობა , რომელიც ყოველწლიურად არის მზარდი. ამ ეტაპზე საკუთარი საბიუჯეტო სახსრებით იგეგმება სასმელი წყლის უზრუნველსაყოფად 200,0 ათასი ლარის ბიუჯეტი.</p> <p>ასევე მოქალაქეთა ჩართულობის მონაწილეები ხშირად ითხოვენ სოფლებში ტრენაჟორებისა და სხვადასხვა საბავშვო ატრაქციონების მოწყობას, რის გამოც დამატებით შესაბამის პროგრამებში (სპ. ობიექტების რეაბილიტაცია, კეთილმოწყობის ობიექტების რეაბილიტაცია) დაგეგმილი დაფინანსებები იზრდება 100,0 ათასი ლარით. აქედან 50,0 ათასი ლარი სპორტული ობიექტების რეაბილიტაციის ხარჯებში და 50,0 ათასი ლარი კეთილმოწყობის ობიექტების მოწყობა რეაბილიტაციის ხარჯებში.</p>
---	--	--

	<p>სათათბირო, სამუშაო სივრცის მოწესრიგება. ამ მიზნისთვის შესაძლებელია გამოვიყენეთ ბუნდოვანი ფუნქციების მატარებელი აიპის "მოქალაქეთა ჩართულობის და ინფორმირების ცენტრის" ყოველწლიური სუბსიდია. სანაცვლოდ მოქალაქეთა ჩართულობის უფრო ქმედითი მექანიზმების ამოქმედება.</p> <p>ძალიან ბევრ პრობლემას ვერ პასუხობს წარმოდგენილი ფისკალური დოკუმენტი. რადგანაც, მიუხედავად ბოლო წლებში განხორციელებული მნიშვნელოვანი ინფრასტრუქტურული პროექტებისა ჩვენ გვაქვს რეალობა რომ მუნიციპალიტეტში მაღალია მიგრაცია, საგრძნობლად შემცირებულია ბავშვთა რაოდენობა, ახალგაზრდებისთვის არ არის საცხოვრებლად მიმზიდველი გარემო. ამ გამოწვევების აღმოფხვრას კი სჭირდება პირველ რიგში არა პერსონალური პოლიტიკური განწყობებით და ინტერესებით მიდგომა გადაწყვეტილებების მიმღები პირებისგან არამედ საერთო, საჯარო ინტერესების სასარგებლოდ გადაწყვეტა და მოქმედება.</p>	
საკრებულოს ფრაქცია „ქართული ოცნება - დემოკრატიული საქართველო“		
	<p>ხარაგაულის მუნიციპალიტეტის მერის სარეზერვო ფონდი არის 100 000 ლარი, გაიზარდოს 50 000 ლარით.</p>	<p>სარეზერვო ფონდის გაზრდა შესაძლებელია 20,0 ათასი ლარით და განისაზღვრება 120,0 ათასი ლარი.</p> <p>მერიის ინიციატივით იზრდება გზების მიმდინარე შეკეთების ხარჯები 100,0 ათასი ლარით.</p>
სულ		<p>სულ საკრებულოდან მიღებული რეკომენდაციებისა და მერიის ახალი ინიციატივების გათვალისწინებით შესაძლებელია 2025 წლის ბიუჯეტის შემოსულობებისა და ხარჯების გაზრდა 692,0 თასი ლარით. (წყაროდ გამოყენებული იქნას საქართველოს ფინანსთა სამინისტროდან მიღებული გაზრდილი პარამეტრები)</p>